



**Te Tāhuhu o
te Mātauranga**
Ministry of Education



**Te Kāwanatanga
o Aotearoa**
New Zealand Government

Aotelega

Faailoga fou e sui ai le NCEA



Gagana Samoa

**E fia iloa e le Malo manatu faaalua e tusa ai ma le
auivi ma le taatiaga o faailoga aoao mo kolisi e sui
ai le National Certificate of Educational Achievement
(NCEA).**

O sou manatu i aafiaga e ono aliae mai i suiga o fuafuaina faapena tulaga e tatau na iloiloaina aua le faataunuina o suiga e lagolagoina ai fuafuaga a le Matagaluega o Aoga mo le faatinoga o lea faamoemoe.



Manatua:

- › **e faasino tulaga faatonuina** i faiga o suesueina ai taumafaiga ua faatulagaina i le NCEA. E atagia i tulaga faatonuina faavasegana o tomai autu ma le malamalama i vaega e fesootai i ai
- › **e tuufaatasia togi** na maua i le tausaga atoa, e tau aofia uma ai tulaga faatonuina. O tamaiti aoga na maua togi e 80 mai tulaga faatonuina (e aofia ai togi e 20 mai mataupu lagolago) e faamanuina le maua o le NCEA
- › e patino aofaiga o togi ma tulaga faatonuina taitasi, i le maua uua faavasega i ai. E atagia i le maua uua ma le aofaiga o togi le taimi na faaaoaga e faatonu, aaoa, ma fai ai suesuega
- › e maua i le upegatafailagi a le New Zealand Qualifications Authority (NZQA) le Directory of Assessment and Skill Standards ma isi faamatalaga e tusa ma tulaga faatonuina o mafai na maua: <https://www2.nzqa.govt.nz/qualifications-and-standards/about-standards>

Talaaga o le NCEA

Na faavae le NCEA i le 2002 e avea ma alafua e fua i ai faiga e gafatia na fetuunai ma e faalagolago i tulaga faatonuina e tutusa ma faailoga maua uua mo tausaga sinia i le kolisi. O itu taua nei o suiga ua faia, o le faaopoopo o suesuega mo tausaga sinia i le kolisi, e aofia ai matātā eseese e pei o tomai faufale ma galuega tau fausaga, talimalo, faapea matātā mo tagata tafafao.

Peitai, na matuai faitiaina le NCEA – e manatu le toatele i le soona fai o faiga e fetuunai ai ua tauleagaina ai le aogā o le faailoga.

O le a tonu le faafitauli?

Na taatia atu i aoga le faitalia e filifili ai tulaga faatonuina mo tamaiti aoga ma ua iloa ane ai le filifili o tulaga faatonuina pito faigofie e maua ai togi. Na taumafai lea o faiaoga e fua aoga i tulaga tonu o moomia e ausia ai tulaga faatonuina nei.

E malamalama i tulaga ua faia ai faapea, i luga o le naunau o aoga ia maua e le tamaitiiti aoga se faailoga, ae iai lona pona – ua lauiti ai ma le vaai mamao a le tamaitiiti aoga i isi avanoa ma lē maua ai le atoaga atoa ma le aogā o mataupu.

“E eseese uma aoga ma le faapolokalameina o mataupu – na o le tasi mai le tolu aoga (32 pasene) o aaoaina mataupu uma e fa e ausia ai tulaga faatonuina”

— **Faaliliu mai le:** ERO, *Set up to Succeed*, 2024 (p.23)

E fesootai le gauai ia maua togi mai soo se tulaga faatonuina i le lē ogatusa o aoga ma polokalame aaoaina, mataupu, ma suesuega. Talu ai e lē faia suesuega uma mo se mataupu, ua sili ai i nisi o aoga le tuufaatasii o mataupu eseese po o le faitaulia na o suesuega o fai i totonu o aoga. Ua misi ai ma avanoa e mafai ai e tamaiti aoga na malamalama atoatoa i le loloto o se mataupu ma ua aliali ai le faatauvaa ma le lauiti o le tomai ma le iloa.

E moomia le maua o togi e 60 (faaopoopo i ai ma togi e 20 mai mataupu lagolago), ae leai ma ni tulaga faatonuina e tatau na ausia o se vaega e maua ai le NCEA. O isi tamaiti aoga e lē uma na fai suesuega faatulagaina ma fafo atu o le aoga.

O le lē ogatusa o faiga o faatino ai aoga ua lē amanaia tele ai le aogā o le NCEA e pule o galuega faapea aoga maua i faaiunivesite i le lava sauni o tamaiti aoga e faigaluega po o le faaauau aoga maua i faaiunivesite pe a i'u mai le kolisi. Atonu e lē faigofie i matua ma aiga pe faapefea na faatino le lagolagosua ma mautinoa o auai le tamaitiiti i aoga.



O le mea moni lava, o le soona fetuunai ma le lē ogatusa o faiga ua atili ai na lē aogā.

Na faamaonia popolega faasaga i faiga lē ogatusa ma le lē ogatasi i faamaumauga na saunia e le New Zealand Qualifications Authority (NZQA), na faailoa mai ai tulaga nei na aafia ai tamaiti aoga i le kolisi i le 2024:

- › e ese le fua o togi pito maualuga i le va o tamaiti aoga na maua togi mai suesuega o faatino i totonu o le aoga (25 pasene) faatusa i togi mai suesuega o faatino ma fafo atu o le aoga (12 pasene).
- › na lipotia i se faatusatusaga faafuainumera, e leai ma se taumafai o tamaiti aoga ia maua le 25 pasene o togi mai suesuega ma fafo atu o le aoga na lesitala e fai. E tusa lea ma le 34 pasene, o le NCEA Level 3.
- › e 250,000 ma ona tupu vaitaimi faapenei e aunoa ma le taumafai o tamaiti aoga e fai suesuega ma fafo atu o le aoga, talu ai ua lava isi togi na maua e ausia ai tulaga faatonuina e maua ai le faailoga.
- › na o le 54 pasene o tamaiti aoga Tausaga 12 na faamanuiaina i le NCEA Level 2 na ausia i luga o tulaga faatonuina e tolu pe sili atu e patino i mataupu na ave. E maualuga atu le aofaiga lea mo tamaiti aoga Tausaga 13 na faamanuiaina i le NCEA Level 3, e 65 pasene (pe a faapea e taulia le 14 ma ona tupu togi e fua i ai se mataupu atoa e tasi).

Ua faagasolo galuega a le Malo ma le Professional Advisory Group o aafia ai puleaoga e tali atu i faaletonu nei. E faataitai e le Komiti manatu fou ma faamautinoa le faamaonia muamua o soo se suiga ma le talafeagai ma tulaga tonu o le soifuaga.

Manatua:

- › **e faauigaina le ogatasi** i le fetau lelei pe a tuu faatasi
- › **ogatasi polokalame aoaoina** e mautinoa e le o misi se vaega o aoaoina e le tamaitiiti aoga, ma e fesoasoani aoaoga e atiae le tomai, malamalama, ma le agavaa e aogā pe a tuu faatasi.

“A mafai e le tamaitiiti aoga na maua togi e 10 e maua ai le tusi pasi Level 2 pe a ave le mataupu Health and Safety e lua aso e fai ai (e maua ai le 1/6 o togi moomia e maua ai le L2) ona iloa lea ua iai sina faaletonu (Manatu a se tasi o faiaoga)”

— Faaliliu mai le: NZCER, NCEA Review report, 2018 (p.21)

O a suiga o fuafuaina?

E tatau na fesootai suesuega i mataupu aoaoina faapea tulaga moomia pe a i’u mai le aoga.

E tatau na matuai auiliili lelei mataupu aoaoina mo tausaga sinia i le kolisi e iloa tonu ai e aoga ma faiaoga ituaiga aoaoga lelei ma le anoa.

O le mafuaaga tonu lena, ua fai ai e le Malo se alafua e sui atoa ai mataupu aoaoina aoao, e iloa tonu ai e faiaoga le alafua e moomia na aoao atu i tausaga taitasi. E leai se mea e aafia ai fua le anoa ma le loloto o aoaoga o maua e le tamaitiiti aoga, ona o le vaipanoa o nofo ai po o le aoga o aoga ai, ae ia maua e tamaiti aoga uma aoaoga e fesootai i le tomai ma le iloa o moomia pe a i’u mai aoaoga.

E moomia le atagia o suiga nei i le faiga o le a faapolokalameina ai faailoga mo tausaga sinia i le kolisi.

O le avanoa foi lea e mafai ai na tatou atiae se faailoga aogā, ina ia:

- › **ogatasi ma aogā aoaoga** e mautinoa ai e pule o galuega ma aoga maua luga faaiunivesite ua lava sauni tamaiti aoga mo aoaoga ma galuega pe a i’u mai le kolisi
- › **ogatasa suesuega** e tusa ai ma tulaga o le iloa ma gafatia na faatino e le tamaitiiti aoga, e faafaigofie ai na malamalama pule o galuega ma aoga maua luga faaiunivesite i le aogā o le faailoga.

Tulaga o fuafuaina le fia suia

O le a faamalositia i suiga o fuafuaina ua folasia atu i le faamaumauga o faatalanoaina a le Matagaluega itu lelei o le NCEA o faia i le taimi nei ma toe faatulaga isi vaega e moomia na sui – e atili faafaigofie ai le auivi ma le faapolokalameina, ma tutusa ai le aogā ma faailoga faavaomalo.

E le o iai se fuafuaga i le Malo e sui le faiga mo tulaga faatonuina masani po o tulaga e gafatia ai na fai isi mau aoaoga eseese.

1 O le a galulue faatasi ma matātā e tuufaatasi mataupu tau Vocational Education and Training (VET) i faailoga mo tausaga sinia i le kolisi.

- › **O le a faamalosia le aogā o aoaoga mo mataupu tau matātā eseese;**
o le a galulue faatasi le Matagaluega ma Industry Skills Boards (ISBs) e faamautinoa le ogatusa o mataupu nei, aogā, toe fesootai i avanoa mo tamaiti aoga pe a i'u mai aoaoga.
- › **O le a maoti le faatulagana e fua i ai mataupu tau VET e tuufaatasi uma ai tomai fou ma tomai o aoaoina i le taimi nei e patino i mataupu tau VET.**
E moomia le taumafai o tamaiti aoga ia pasi mataupu tau VET na i lo tulaga faatonuina taitasi.

2 O le a faavae se faailoga fou le Foundational Award mo le Tausaga 11 ma le New Zealand Certificate of Education ma le New Zealand Advanced Certificate of Education mo le Tausaga 12 ma le 13.

- › **O le a taulai aoaoga a tamaiti aoga o le Tausaga 11 i le loloto ma le tau atinaega o tomai autu.**
O le a tele atu taimi i totonu o potuaoga e aunoa ma le soona popole i meaoga mo sutesuga pito mauaoga.
- › **O le a atagia i le Faailoga fou tomai autu e pei o le faitautusi ma le tusitusi ma le numera.**
E muai faapolokalameina le Faailoga lea i tulaga o faia i le taimi nei mo mataupu lagolago ma sii le tulaga ia tutusa ma le mauaoga o mataupu aoaoina i le Tausaga 11.
- › **O le a tausinio tamaiti aoga ia maua faailoga fou e lua i totonu o le lua tausaga, ae lē o le tolu tausaga.**
E iai tamaiti aoga e tausaga ma ona tupu faatoa maua se faailoga po o le maua na o le faailoga e tasi. O le toatele o tamaiti aoga e maua faailoga i le Tausaga 12 ma le 13.

3 O le a faapolokalameina le auivi ma faiga faavae patino i se mataupu, ma amata fai mataupu e tatau na ave ia aofia i mataupu aoaoina mo le Tausaga 11.

- › **E moomia le taumafai o tamaiti aoga ia ausia se mataupu atoa na i lo le tuufaatasi o tulaga faatonuina eseese.**

E tatau na tutusa lelei faiga o togi mo meaaoga o suesue ai le tamaitiiti i fafo atu ma totonu o le potuaoga, e tuufaatasi e maua ai togi e 100.

- › **O le a sili atu na ogatusa faiga e uia e tamaiti aoga, mataupu, ma aoga e tusa ma tulaga tonu tau suesuega o moomia.**

Mo se faataitaiga, e taui tamaiti aoga ia taumafai e fai suesuega i fafo atu o potuaoga, aua e maua ai togi e maua pe a lē faia suesuega nei.

- › **O le a moomia e tamaiti aoga na ave mataupu e maua ai le Foundational Award toe taua i le tau atinaega o le iloa ma le tomai i isi vaega.**

E aofia ai le Gagana Peretania ma le Matematika, po o le Māori Te Reo Rangatira ma le Pāngarau.

4 Faamautuina o tulaga moomia e ausia ai.

- › **O le a moomia e tamaiti aoga na ausia mataupu e fa ma le Foundational Award e maua ai faailoga fou.**

- › **O le a maua foi e tamaiti aoga se aofaiga atoa o togi, o se tuufaatasiga o togi mai mataupu sili e lima.**

E faamauina i le Record of Achievement a le tamaitiiti aoga se faamaoniga o ana taumafaiga e faatuputeleina ai le naunau o ē silisili le maua o taumafaiga ma faamalosia i tamaiti aoga e tausinio i mataupu uma o ave.

O isi laasaga

E aloaia suiga i mataupu aoaoina mo le Tausaga 9 mai le 2026.

O le a faatino e tamaiti aoga aoaoga i suiga ua faafou i ai mataupu aoaoina a o le i faatino suesuega pito maua i le 2029 ma le 2030. E lē faapea o le a milo faatasi ai mataupu tuai ma mataupu fou – e faaauau aoaoga mo tamaiti o aooga i le kolisi i le taimi nei e faaoga ai mataupu aoaoina o faia i le taimi nei ma e suesueina i faiga o fai ai le NCEA.

Faatoa aloaia suiga mo faailoga mai le 2028 (Ata 1):

›

O le a mafai na maua mataupu aoaoina fou ma le anoa mo tamaiti aoga i le Tausaga 9 mai le 2026. Na faasolo ai lea o aoaoga mo tamaiti aoga mo le tolu tausaga e faaaoaga ai mataupu aoaoina fou a o le i faia suesuega pito maualuga.

›

O le a lē toe iai se NCEA Level 1 mai le 2028, ae amata ai loa na sui i le faailoga fou le Foundational Award.

›

O le a amata fai faailoga i le 2029 mo Tausaga 12 ae amata i le 2030 mo Tausaga 13.

Figure 1: Timeline of the curriculum and proposed qualification changes

2025	2026	2027	2028	2029	2030
YEAR 8 (lead cohort)  Existing curricula	YEAR 9  Refreshed curricula (encouraged)	YEAR 10  Refreshed curricula	YEAR 11  Refreshed curricula  Foundational Award introduced	YEAR 12  Refreshed curricula  New Zealand Certificate of Education introduced	YEAR 13  Refreshed curricula  New Zealand Advanced Certificate of Education introduced
YEAR 9  Existing curricula	YEAR 10  Existing curricula (Refreshed curricula available)	YEAR 11  Existing curricula ① Existing NCEA Level 1	YEAR 12  Existing curricula ② Existing NCEA Level 2	YEAR 13  Existing curricula ③ Existing NCEA Level 3	

O le a ave le faamamafa i taumafaiga e maua ai faailoga ma faamautinoa le maua e faiaoga o punaoa e fetaui ma onomea ma o lagolagoina ai le faataunuu ma le mautinoa o suiga nei a o le i amata faagasolo le fai o faailoga fou.

O le a tali atu le Matagaluega i vaega o moomia e faiaoga ma tamaiti aoga na tau auala mai manatu na faaalua i le faatalatalanoaga lenei.

Faafoega o ni aafiaga

O le agaga tonu o suiga ua fuafuaina ia maua se faiga aogā ma lelei atoatoa. O se tali atu lea i atugaluga autu ae lē taofia ai le aliae o aafiaga e le i fuafuaina. Mo se faataitaiga, o le amataga mai o suiga ua fuafuaina e ono aafia ai togi e maua, aemaise mo tamaiti aoga ua faamauina le maualalo o taumafaiga i le aoga.

E mafai na faailoa mai manatu i suiga ua fuafuaina mai le asō seia aulia le 5pm Aso Gafua 15 Setema 2025 (NZST). E faigofie mo le toatele le tuuina mai o manatu i le faiga faainitaneti:

www.education.govt.nz/consultation-ncea



E lē taofia ai pe a e manao e imeli mai i le nceaconsultation@education.govt.nz po o le pusa meli:

Education Consultation

Ministry of Education
PO Box 1666
Wellington 6140
New Zealand

A e manao e imeli pe lafo mai, ia mautinoa ua e **faitau i le lisi atoa o fesili o maua i le upegatafailagi a le Matagaluega** ma aafia ai le:

- › Gagana o tusi ai, ma
- › Lou igoa po o le faalapopotoga, ma
- › Lau imeli, po o le pusa meli, ma
- › Fesili tonu e patino i ai ou manatu.



Te Tāhuhu o
te Mātauranga
Ministry of Education

education.govt.nz



Te Kāwanatanga
o Aotearoa
New Zealand Government